

(Sergii) et bachi. qui postea Innocencius papa tercius appellatus est. Haec ante Indicem Capitum omnium III. Librorum, quem excipit Prologus ad P. Portuensem Episcopum, Petrum videlicet, ut docet chronologia, Gallociam Rom. Atque in hoc pro: *vilitatem humane nature — describam*, rite legitur *dignitatem*. Finit Opus cum Edit. quam Vol. I. P. I. col. 852. Schoepflinianam dixi, ubi et plura in rem praesentem.

II. fol. 25. succedit *Homiliarium ἀδελφότητος* in anni Dominicas a Dom. I. Advent. usque ad Dom. XXIV. post Pentec. cujus Sermo I. incipit: *Cum appropinquaret iherosolymis. Math. 21. Receipta unctio in bethania a maria ante sex dies pasche id est sexto die seu sabbati ante pascha &c.* Non igitur in Evangelium Luc. 21. quod hodie Dom. I. Advent. legitur, licet cetera Evangelia cum hodiernis concordent. Sermones breves sunt, et in iis post alios Patres etiam Bernardus citatur.

DCLXIII.

R. 333^I Codex membraneus lat. Sec. XII. Folior. 56. 4. nitidissime exaratus et minio distinctus, quem Scheda inserta a Luittholdo Coenobita Lunaelacensi descriptum testatur, hoc Rubrum praefert: *Hugo* (nempe Victorinus) *de archa noe pro archa sapientie cum archa ecclesie & archa matris gratie*; quam postremam non B. Virginem, sed ipsam divinam gratiam Denis Codd. Theol. V. II. P. II.

intellige; hanc enim etiam L. II. de Vanit. Mundi edit. Opp. Rotomag. 1648. p. 273. matrem adpellat Hugo. Opus praesens, quod incipit: *Cum sederem aliquando in conuentu fratrum &c.* habetur eod. Tomo p. 298. sed, quid differat Editio a Codice, dicendum est. Libros illa censet IV. Codex vero V. Illa Librum IV. ita terminat: *et iocundantur mundi corde in contemplatione veritatis*; Codex autem ultra sic procurrit: *Breuius dicturus eram, sed fateor vobis, multa me delectat loqui, et erat adhuc fortassis, quod dicerem, si vestrum fastidium non timerem. Nunc igitur ipsius archae nostrae exemplar proponamus, sicut proposuimus, quod exterius depingimus, ut foris discas, quid intus agere debeas, ut, cum huius exemplaris formam in corde tuo expresseris, domum dei in te edificatam esse leteris. Tum: Explicit Liber IV. Incipit Liber V. de pictura archae.* Cum Codex Hugonis, qui a. 1140. obiit, tempora prope adtingat, non videntur haec absque autoritate. Mirum igitur, Librum hunc ab Editoribus avulsum et ceteris IV. ad p. 286. titulo: *Mystica Arca Noe Descriptio* praepositum fuisse. Initium eius est: *Primum* (inutiliter interjectum in Edit. ad mysticam Arca Noe descriptionem) *in planicie, ubi Archam depingere uolo, medium centrum quero &c.* Capitulum distributio, ut in praecedentibus Libris; tota alia est, quam in Editis, et, ne quid dissimulem, Caput XIV. editionis de Mansionibus

1551

CODICES

4552

nibus 42. in Codice deest usque ad verba: *Hęc ad constructionem archę his qui plura facere aut non valent &c.* Cetera integra, quamquam non absque diversâ lectione. Vide et Cod. DCLXVI.

Fol. 49. ἀνεργασίας Excerpta adjiciuntur de Significationibus Rerum primarum et secundarum per voces secundum sex circumstantias, quae sunt: *Res, persone, numeri, loca, tempora, gesta*, quibus inferuntur Syllabi Ponderum, Mensurarum, Catalogi Patriarcharum, Judicum, Regum et Pontificum *Juda*, Regumque gentilium, Descriptiones Regnorum et Breviarium historicum usque ad Herodem, qui Jacobum interfecit. Lecta haec videntur ex *Libris Excerptationum Hugonis*, ut vocant Editores, *Priorum, eod. Tomo* contentis, quamquam, quae de *Ponderibus* et *Mensuris* hic traduntur, in iis non repererim. Ad calcem Codicis: *Liber iste proprie pertinet ad sanctum Michabelem in Mänse.*

DCLXIV.

R. 1990

Codex membraneus lat. Sec. XIV. Folior. 289. f. per duas columnas luculente exaratus, coloribus illustratus et quondam, ut fol. 3. notatur, *Fratrum Carthusiensium iuxta pragam extra muros*, sequentia complectitur: I. *Hugonis a S. Victore Can. Reg. Libros IV. de Claustro Animae*; quorum Prologus incipit: *Rogasti nos frater amantissime quatenus aliqua remedia &c.* ut in Editione

Opp. Rotomag. 1648. T. II. p. 42. f. ubi noto, ipsos Editores *Victorinos* ad calcem dubitare, an Opus non potius *Hugoni de Folieto*tribuendum fit. Retuli jam saepius.

II. fol. 95. Incipiunt *Gesta Salvatoris Domini nostri ihesu christi secundum carnem*. Alias *Acta Pilati*, alias *Evangelium Nicodemi* a me jam utroque *Vol.* non semel indicatum. Initium hic: *Factum est autem in anno XIX. tyberij cesaris &c.* Adhaeret *Epistola Pilati*, quae incipit: *Pontius Pilatus Regi suo Claudio salutem. Nuper accidit et quod ipse probavi &c.* Variat phrasis, ut in ejusmodi Commentis solet, fere per singula Exemplaria. Plura *Fabricii Codex Apocryph. N. T. p. 213. et P. III. a p. 456.*

III. fol. 106. Incipit liber beati *Bernhardi Abbatis Clareuallensis ad Eugenium papam qualiter prelatus debeat preeffe*. Id est *Libri V. de Consideratione*, prout extant edit. *Maur. Paris. 1680. T. II. col. 407. f.* Habent curas secundae manus in margine. Capitulum nulla divisio.

IV. fol. 139. p. 2. praevio *Loco* e *Retraçat. L. II. c. 4.* et *Prooemio S. Augustini Libri IV. de Doctrina Christiana*. Nulla iterum Capitulum divisio. Liber I. init: *Due sunt res quibus nititur &c.* Finit IV. *quantulacumque potui facultate differui.* Ut edit. *Maur. T. III. col. I.*

V. fol. 192. praevio *Capitulum Elencho Incipit liber Augustini de ecclesiasticis dogmatibus.* Alii dicunt